

ATUISUNUT PAASISSUTISSAQ NAKORSAATIT PUANNUT ILANNGUSSAQ

Allergodil®, 0,14 mg/seqqanneq, sorlunnet seqaattaat
Azelasti nhydrochlorid

Paasissutissiissut una pingaarutilinnik imalik peqqissaartumik atuaruk.

Allergodil nakorsamit allagartalerneqaaqqaarani pissarsiassaavoq. Nakorsaat iluaqutaalluassappat innersuussutit maleruqqissaassavatit.

- Paasissutissiissut kingorna atorfissaqartilersinnaagakku toqqussavat.
- Allantik apeqquutissaqaruit nakorsaatilerisumut apeqquutilliigit.
- Ajorneruleruit pitsaanerulinngikkuilluunniit nakorsaq attavigiuk.
- Kingunerluut ajornerulerpat matumaniluunniit taaneqanngitsumik kingunerluuteqaleruit nakorsaq nakorsaatilerisorluunniit oqaluuguk.

Paasissutissiissut nutarlerlaaq nittartakkami uani pissarsiassaavoq: www.indlaegsseddel.dk

Paasissutissiissutip imai

1. Sunniutaa atorneqarfissaalu
2. Atulersinnagu ilisimasassat
3. Atorneqarnissaa
4. Kingunerluutit
5. Sumiitinnissaa
6. Paasissutissat allat

1. SUNNIUTAA ATORNEQARFISSAALU

- Allergodil sorluup ameraasaata sananeqaataani histaminip sunniunnissaa ingalassimatittarpa. Sapigaqarnikkut soorlu naasut naatsiassartaannik pollen-imik uumasulluunniit meqquinik sapigaqarnikkut histamin sunniuttarpoq.
- Sapigaqarnerup sorlunni ersiutai Allergodil-ip annikillissittarpei.
- Allergodil naasut naatsiassartaannik pollen-inik (høfeber) sapigaqarnermut ersiuteqarnermut soorlu tangajortormut kakkilertanermullu atorneqartarpoq.

Nakorsap Allergodil allamut nakorsaasiussimappagu nakorsap innersuussutaa tamatigut malissavat.

2. ALLERGODIL ATULERSINNAGU ILISIMASASSAT

Nakorsaq paasissutissiissummi matumani allassimasumit allaanerumik innersuussisimappat nakorsap innersuussutaa annertussusissatullu puani innersuussat tamatigut maleruassavatit.

Allergodil atussanngilat

Azelastinhydrochlorid akuisaluunniit arlaat saperukku

Allergodil mianersuuguk

Meeqqanut arfinillit inorlugit ukiulinnut atortariaqanngilaq

Saniatigut allanik nakorsaatitoruit

Allanik nakorsaatitugaqaruit qanittukkulluunniit nakorsaatitorsimaguit, nakorsaatit nakorsamit allagartaligaanngitsut- soorlu nunap pissarititaanik nakorsaasiat, vitaminit mineraalillu ilanngullugit nakorsaatitukkannik, nakorsaq nakorsaatilerisorluunniit tamatigut ilisimatissavat.

Naartuneq milutitsinerlu

Nakorsaat sunaluunniit atulersinnagu tamatigut nakorsaq nakorsaatilerisorluunniit siunersioqqaartaruk.

Naartuneq

Naartusut mianersortumik atuisariaqarput. Nalorniguit nakorsaq oqaluuguk.

Milutitsineq

Naartusut mianersortumik atuisariaqarput. Azelastinhydrochlorid-ip arnap immuanut akuliuttarnera ilisimaneqanngilaq. Nalorniguit nakorsaq oqaluuguk.

Angallannikkut suliffimmilu isumannaallisaaneq

Allergodil angallatinik motoorilinnik maskiinanilluunniit ingerlatsinermut sunniuteqanngilaq suunngitsuinnarmilluunniit sunniuteqarluni.

3. ALLERGODIL IMA ATORNEQASSAAQ

Allergodil nakorsap innersuussutaa naapertoqqissaarlugu atoruk.

Annertussusissaa qanorlu atorneqarnissaa nalornigukku nakorsaq nakorsaaterisorluunniit aperiuk.

Annertussusiliunneqartartoq nalinginnaasoq:

Inersimasut meeqqallu arfinillit sinnerlugit ukiullit: sorluit illuttut ullormut marloriarlugit seqqanneq ataaseq.

Nakorsap innersuussarinngippagu meeqqanut arfinillit inorlugit ukiulinnut atorneqartariaqanngilaq.

Niaqqut narlortillugu najuussigit taamaaliornikkut sungarnitsumik iisissanngilatit.

Najuussinerup kingorna minutsit 15-it ingerlaneranni sunniuttarpoq, kingullermillu najuussinermit minnerpaamik nal. ak. aqqaneq marluk sunniusimasarluni. Allergodil sorlunnut seqqataat sivisuumik nakorsaateqarsinnaavoq.

Atornissaanut ilitsersuut

Allergodil sorlunnut seqqataat atoqqaarnialerukku maqitsinermit aniasup assigiaalernissaanut maqittaataa marloriarlugu tamakkerlugu naqissavat.

Imaaliussaait:

1. Kakkilluarit. Simia peeruk.
2. Niaqqut narlortiguk. Malassanngilatit. Ilummut sorlukkut anersaajutugalutit sorlutit immikkut tamaasa seqqakkit
3. Naammassiguit nuua eqqiariallugu simiguk.

Allergodil sorlunnut seqqataat ingasaassimagukku

Paasissutissiissut naapertorlugu nakorsamilluunniit innersuussutaasumik ingasaassisimaguit

peqqiillioruillu nakorsaq, ajoqusersimasunut nakorsiartarfik nakorsaaterisorluunniit attavigiuk. Puua nassaruk.

Allergodil puigorsimagukku

Puigukat ilanngullugu marloriaammik seqqanngisaannarit.

Allergodil taamaatikukku

Nalorniguit nakorsaq nakorsaaterisorluunniit aperiuk.

4. KINGUNERLUUTIT

Allergodil sorlunnut seqqataat nakorsaateqartut allatulli kingunerluuteqarpoq inuilli tamarmik kingunerluuteqartitsisannngilat.

Navianaatillit

Qaqutigooqisut: atuisut 10.000-iuppata ataatsip qulillu akornanniittunit misigineqartartut:

- Sapigaqarnikkut tassanngaannaq aniornininneq, anernikilliorneq iluaallernerlu (minutsit nalunaaquttalluunniit akunnerisa ingerlaneranni/anafalytisk shock). Inuunermut navianaateqarsinnaammat nakorsamut/ambulancimut sianerit.

Navianaateqanngitsut

Nalinginnaasut: Atuisut 100-uuppata ataatsip qulillu akornanniittunit misigineqartartut:

- Atoreernerani sungarnitsumik malussarneq (malangavallaarsimanermik patsiseqarajuttoq).

Nalinginnaanngitsut: Atuisut 1.000-iuppata ataatsip qulillu akornanniittunit misigineqartartut:

- Sorluit ameraasaasa qanngiuteqqittumik qasillernerat, ungillernerat tangajortorneq aannerlu.

Qaqutigootut: Atuisut 10.000-iuppata ataatsip qulillu akornanniittunit misigineqartartut:

- Meriannnguneq

Qaqutigooqisut: Atuisut 10.000-iuppata ataatsip inortunit misigineqartartut:

- Sapigaqarnermut ersiutininneq.
- Uissannnguneq.
- Aniornininneq, ungillierineq sapigaqarnikkullu qattusuunik aniornininneq (nældefeber).
- Qasoqqaneq sanngiillineq.

Kingunerluut ippiutaappat ajornerulerpalluunniit imal. matumani taaneqanngitsumik kingunerluuteqalissagalaruit nakorsaq nakorsaaterisorluunniit oqaluuguk.

Kingunerluutit pillugit ilisimasaqarnerulernissaq siunertaralugu kingunerluutit matumani taaneqanngitsut Lægemedelstyrelse-mut nalunaarutigineqartariaqarput. Illit nammineq ilaqquttatilluunniit Lægemedelstyrelse-mut toqqaannartumik kingunerluutinik nalunaaruteqarsinnaapput. Skema ilitersuullu Lægemedelstyrelsip nittartagaani: www.meldenbivirkning.dk. pissarsiarisnaavatit

5. SUMIITINNISSAA

Allergodil meeqqat inorsillugit inissiguk.

Allergodil illup iluani nalinginnaasumik kissassusilimmiitiguk (15° - 25° C).

Nillataartitsivimmiissanngilaq.

Ammarneqarneraniit qaammatit arfinillit sinnerlugit atorneqassanngilaq.

Atorneqarfissaannut killiliussaqaq puuani allasimasoq qaammat naareersimappat atorneqassanngilaq.

Nakorsaait sinnerisa qanoq iliornissaat pillugu nakorsaaterisoq/nakorsaataasivik aperiuk.

Avatangiisit illersorniarlugit nakorsaait sinnerinik kuuffimmut, anartarfimmut eqqaavimmulluunniit igitseqinak.

6. PAASISSUTISSAT ALLAT

Allergodil sorlunnut seqqattaatip akui tassaapput:

Nakorsaaitaa: Azelastinhydrochlorid.

Akui allat: Hypromellose, natriumedetat, citronsyre imerpallataanngitsoq, dinatriumphosphatdodecahydrat, natriumchlorid, imerlu sukuluiagaq.

Nioqquteqarnissamut akuersissutalik tunisassiortorlu

Nioqquteqarnissamut akuersissutalik:

Meda AS Solvang 8 3450

Allerød

Oqaras.: 4452 8888

Fax. 4452 8899

E-mail: info@meda.dk

Tunisassiortoq:

MEDA Pharma GmbH & Co. KG

Benzstrasse 1 61352 Bad Hamburg

Tyskland

Paasissutissiissut kingullermik nutarterneqarpoq oktober 2011.

